

存
審
軒
詞

自序

詞之爲技小矣然考之於昔南北分宗徵之於今江淞
別派是亦有故焉吾郡自皋文子居兩先生開闢榛莽
以國風離騷之情趣鑄溫韋周辛之面目一時作者競
出晉卿集其成余與晉卿議論或合或否要其指歸各
有正鵠倘亦知人論世者所取資也旣刻詩乃并平時
所爲詞刻之兩先生往矣聊以質之晉卿焉

道光癸未仲冬介存居士自敘

存審軒詞

荆溪周濟止庵著

目錄

卷之一

菩薩蠻

六首

浪淘沙

虞美人

二首

洞仙哥

二首

卜算子

二首

長亭怨慢

疎影

二首

南浦

高陽臺

青門引

蘇幕遮

蘭陵王

永遇樂

二首

湘春夜月

二首

目錄

一

阮郎歸

霜天曉角

相見驩

四首

齊天樂

二首

臨江仙

暗香

氏州第一

虞美人影

應天長慢

念奴嬌

二首

一萼紅

拜星月慢

憶舊遊

二首

木蘭花慢

六醜

雨零鈴

祝英臺近

綺羅香

點絳脣

浣溪沙

二首

風入松

八歸

少年遊

蝶戀花

玉樓春

小重山

卷之二

木蘭花慢

三首

水調歌頭

三首

八聲甘州

摸魚兒

賀新郎

長亭怨慢

二首

揚州慢

望海潮

菩薩蠻

四首

大酺

蝶戀花

六首

六幺令

相思兒令

浪淘沙慢

西地錦

壽樓春

二首

浣溪沙慢

好事近二首

引駕行

聲聲慢

木蘭花慢

風入松

金縷曲

風流子

破陣子

鳳銜盃

定風波

滿路花

門百花

月上海棠

碧牡丹

江城梅花引

醜奴兒慢

三字令

新荷葉

掃花遊

迷神引

度江雲

霓裳中序第一

木蘭花

鶯啼序

臨江仙

哨遍

男佐臣曾孫振庸校刊

存審軒詞卷之一

荆溪周濟止庵著

菩薩蠻

嬌愁未識相思苦
盈盈漫擬風前絮
春去繡簾閒
黛痕輕上山
殘碁拋更著
女伴驕難約
特地唾絨窗
爲添晴晝長

浪淘沙

遲日照房櫳
春太冥蒙
簾旌輕漾棟花風
一架酴蘼香似雪
何處殘紅
迴枕曲屏空
纖甲重重睡情比勝酒
情濃多少流鶯催得起
夢又恩恩

虞美人

昨宵枕上驚春雨
簾外無尋處
離人何計得消愁
約到

平山山下泛輕舟
梅花信逐東風遠
蜨夢誰能遣
不須把酒倚闌干
纔放春晴都不記
春寒

洞仙哥

落梅

低飄亂灑早東風
輕餞翠被餘香有
誰戀
正多情何遜
賦就招魂湘簾外
空記當時妝面
春酣能幾許
穠李天桃一例斜
陽委深院
恁山中人乍起橫笛
孤吹偏羸
得啼痕如霰
怕燕子歸來
曾殘英總不見
枝頭賸紅一片

菩薩蠻

殘雲和雨風吹度
深深小閣疏簾暮
落盡刺桐花
綠陰簾外斜
影娥池上見
風定蟾光徧
徙倚若爲情
弄波

愁月明

卜算子

山遠樹橫煙雲淨波涵鏡萬字闌干八字橋坐久衣裳
冷 乘月卻歸來小院人初靜漠漠簾波淡淡風過了
梧桐影

虞美人

曉涼和雨醒殘醉綠卷簾波碎牽牛花淡兔葵濃那更
惜花雙眼到烏榕 人間不種紅蒲草夢也無心好暈
潮枉記夜來痕留住花枝留不住花魂

長亭怨慢

新竹

正堆砌飄紅無數綠意誰教一顰如許楚楚娟娟料應

先是舊風度隔牆初見恰帶著星星露有客到門來都
不管何人爲主 姑住拂春衫似雪算只極天飛絮青
鸞尙小休便要倚風歸去作道是褪粉留痕也難曾生
香銷處待綺月紛紛卻卧橫窗殘暑

疎影

風竹

亭亭裊裊料碧痕一餉無此風調日莫天寒翠袖人來
無端卻恨秋早紅衣褪盡蓮房冷問那憶侵肌涼好但
隔簾看取玲瓏便爾爲伊傾倒 幾許花須柳眼一生
儘付與煙散雲渺吹入秋心依舊蕭疎不管羣芳如掃
朱幡莫向人閒借算此意少兒應曉廿四番仍要催春
孤負年年芳草

南浦 晴竹

山角正封雲最憐他都要分些晴意淺碧閒羣芳依然
作秋雨秋風心事籠煙鎖霧留將好夢渾無計莫卷重
簾親切看消盡韶華流水 玉簫吹徹丹山料重來不
記人間何世小築遶幽泉巡三徑剩得霜痕雪漬江南
路好無人同住梅花裏千萬莫愁時節換璧月還來石
底

高陽臺 雨竹

潤氣生衣翠陰沈樹不應畫得秋真小別天涯聽愁又
替何人斑痕不照湘潭水怕淋浪醉也無因但銷凝一
片雲幃一片苔茵 故山歸去呼猿鶴放春波千頃流

盡斜暉儘夜舒蕉分他一半酸辛相思不爲相逢斷爲
難消十丈緇塵更誰知近了殘秋遠了殘春

青門引

江水無人管流得一年春短征帆莫更殢斜陽碧雲莫
合惆悵繡簾卷 燈前勸盡玻璃盃璧月何時滿西風
正好涼夜笛聲隔得紅塵斷

蘇幕遮

暮山橫春水定紅袖人招綠袖人遙應如此可甯如此
聽懊惱征帆越是東風勁 怯花愁憐酒困欲飲還辭
欲去何曾竟月滿江樓良夜靚紗扇團團不是菱花鏡

蘭陵王

申江追別圖爲廊生賦

浪花蹙搖動愁珠萬斛休回首無數斷霞剩把鞵紅襯
嬌綠尊前擁雙玉頻屬流芳散馥氤氳展眉影鬢絲都
占當筵定場曲紅蕉挂蝙蝠更戀蜨春衫飛燕華屋
斑駁忍換連江舳汎判袂離席握手南浦丁甯未語恨
太促但望斷橫目修竹湯棧觸正樹遠斜陽風冷樺
燭分攜一樣傷幽獨怕粉本同看綺緣重續歸途如此
爭挂得布帆足

疏影

仙蝶圖爲祁生賦

離情未了又倩雲將夢扶向瓊島喚醒春魂不爲花枝
風前自倚嬌小秦宮未肯花閒活儘凍折寒簧清宵恁
鳳車故故飛飛似惜落紅依草休問裁霞傳粉有誰

從扇底悟得秋早住慣羅浮雨合風離只伴梅英霜曉
如今縱悔驚塵錯已悞卻韶光多少恐畫圖難畫歸心
一任翠衣人老

永遇樂

題祁生洞庭綠院本

流盡年光何時真翦寒碧千頃水珮風裳抵銷庸福不
是無人省靈旗卷雨輕綃護玉還訪橘根仙井算人間
花嬌柳寵再來但尋波影蓬萊路遠憑仙風吹去空
笑浮萍斷梗徐市新來不堪重記燒劫秦灰冷巴陵山
色爲誰窈窕只合共浮魚艇休橫邃眠珠正穩莫將喚
醒

湘春夜月

滄州道中見女子鬻伎

恁天涯幾人煙水浮查不信霧髻風鬟都付與楊花亂
蹴秋千紅影隔淥波青粉柳外誰家算吹簫那是揚州
舊路雁齒橋斜扁舟倦客安排清淚重賦琵琶值得
汎瀾渾不到迴鐙喚酒低訴年華明宵何處料相隨祇
有昏鴉向淡月祝眉痕兩點依他纖影休被雲遮

菩薩蠻

秋蟬寄劍樓侍御

涼風初定纖雲聚蕭條已是愁如許知道一聲難夕陽
天際山露光連月白容易黃花節節真箇不禁秋轉簾
人倚樓

一溪夜雨痕如線枯形病翼羞歸燕莫更訴西風斷霞
零碎紅有人憐髻影真爲清宵冷難忘是斜橋綠楊

千萬條

阮郎歸

秋海棠

露蟲和月弔清妍
秋痕都化煙
只聞腸斷惜華年
斷腸誰解憐
疏雨後夕陽前
砌蛩唼正喧
輕紅一例委霜天
輪他聞杜鵑

霜天曉角

和晉卿

別路人閒記曾扶袂
看消得疏林遮住
怕憔悴望長安
落日又輕寒
暮雲浮亂山
添取一分黃葉渾
不是見時難

永遇樂

紅葉同良卿賦

過了啼鵑
恁箇眞箇人
比花瘦
烏臼門前一番秋信消

得重回首斜陽明滅輕雲零亂不是釀春時候應愁絕
新來夢蛭怕禁月明清漏 緇塵浣罷江南舊路還共
停車貰酒聽雨深樓延秋別館記去年約否不成又作
新來離緒冷伴吳江衰柳渾輪與驕紅一院曾欹翠袖
湘春夜月 答枳村見贈同訪申耆卽送別之京口作

太恩恩人間如此相逢正好離角殘英憔悴伴西風撲
盡軟紅塵土向荻花霜葉且泛孤篷恁瀟瀟暮雨懷人
又見梁燕泥空 江城夜午分攜剛趁蕭寺傳鐘北固
山橫知幾處新洲曲港留得冥鴻吹將鐵篴怕低飛便
過遙峯認舊侶爲齊煙九點雲臺東畔親問珠宮

相見驩 采蓮

湖光不浸山容翠陰重許擗桂枝雙槳到花叢 文鴛
睡游魚戲語才通莫載滿船明月又相逢
波心魚夢初圓觸輕舳遮莫滿身涼雨溼如煙 秋風
別紅衣惜又淒然采得空房歸去動經年

又題紫雲出浴圖

晶簾不漾微風露光融薄薄淡羅衫子映肌紅 梅花
落瓊簫閣夢無踪化作梨雲何處認玲瓏

森森鳳尾垂陰倚闌尋尋到月涼雲轉夜深深 羅紈
小流螢巧恨空心莫是芳魂銷得到而今

齊天樂

蟲蟻米樓有之蠹蝕故冊所成也寄形虛空
博值爲器當其無有器之用聊爲賦之

綠茸不記尋春路濛濛但留纖影玳管輕捎烏闌細寫

生被銀魚驚醒，燈花燄冷照一片愁痕。倩誰重省欹枕，
商量化伊還怯夜風緊。羅浮休便去，也有神仙恰待。
圓月如鏡，雲借裁衣，露供調粉。爭又前身虛並芝田萬
頃。任竹榻蕉窗，箇人消領，翦紙招來，費細梅半餅。

菩薩蠻

七夕分咏得蜘蛛秋蕙

秋心約得如絲瘦，還將鈿盒輕輕扣。得巧莫言多迴文，
挑幾梭。釵頭親驗取笑，避穿鍼侶恐是悞飛來鏡奩。
朝不開。

湘江更比銀河遠，有誰紉佩臨清淺。欲采閒芙蓉，亂霞
深萬重。垂垂仍合蒂，不爲秋憔悴。生小別穠春，卷簾
雙玉人。

臨江仙

陸升山工墨梅索詞賦贈

手種春英過尺五年年悞卻花期越羅初試月生衣畫
眉窗下香屑散霏微化蝶還憐珮玉骨纖纖又見橫
枝曉風吹而酒醒時一雙翠羽無處寄相思

暗香

扇上梅花

露華似水想夜來和着秋英都碎幾陣緒風老盡羣芳
賸濃翠江北江南往事抵多少垂鞭慘袂但暗記一角
春山寒玉響環珮憔悴碧雲外又倩得笛聲喚醒殘
醺綠珠未墜依約春痕幾分在祇恐齊紈易擲空驗取
班姬清淚甚日向煙浪裏雪蓑共載

氏州第一

大明湖醉歸

風定晨鐘月暗夜柝依依漸增秋思謝了芙蓉扁舟過
處空剩一湖煙水唱徹菱歌正落日餘霞凝紫淺醉歸
來憑闌望久亂蛩盈耳不似荆溪溪畔路尙贏得舊
遊聯袂遠雁蘆邊疏螢竹外動是人千里隔紅牆銀漢
杳相思句難憑錦字玉笛誰家譜涼州高樓莫倚

虞美人影

一鐙秋夜疏星共照破銀屏幽夢又是隙風微動簾押
文犀重紅蕩小譜琵琶弄碎玉丁當遙送顛落鈿釵
金鳳酒醒脂痕凍

應天長慢

疏風卷幔殘月入帷依稀酒醒時節繞砌亂蛩似把離

情訴寒石苔紋縵芳事歇念春去更無鞦韆跡但消受草
露盈盈淚眼同溼應有不眠人挑盡蘭缸坐數漏聲
滴社燕辭巢泥墮空梁點瑤席琴心冷彈未徹倩絡緯
暗催刀尺柰征雁只管南飛衣到何日

念奴嬌

別止齋中丞

當歌對酒問人生何苦年年離別一領征衫塵未浣又
早驪駒催發落葉粘衣輕風卷幔去住憑誰說那堪歸
雁數聲驚起長笛空記小語丁甯金尊同醉明夜中
秋月月縱多情能照我還怕浮雲重疊便得清光團圓
如鏡坐我瑤華闕也難忘卻酒闌人散時節

一萼紅

漏聲沈想寒蟾一點依約度疏林
隱臂妝殘扶頭酒淺離思空復盈襟
記初見柔荑未握試絃索嬌語囀春禽
錦幄藏花繡鞍衝雪都是情深
才得畫羅親解甚輕分翠帶翦卻同心
舞絮樓臺吹香院宇羞向夢裏重尋
念惟有窗前玉蝶坼紅萼芳意不勝簪
那更歸飛任伊閒伴瑤琴

拜星月慢 寄申耆

艷委雅鬢渦生梨頰淺笑輕嚬欲絕
愁裏逢伊又霜寒如織問眉顰可是
章臺初見楊柳青青時節半晌偎人
背銀缸低說絮因風歷盡前塵劫萍
隨水悞卻浮生跡那更繞樹啼鵲向
晨星明滅恨羅裙芳草同顏色琵琶

琵琶怎展丁香結但祝取夜夜姮娥照天空海碧

憶舊遊

夾竹桃花早開晚落歷城小寓此樹嫣然歸途追憶舊蠶不禁淒斷聊成此闋以寄遠衷

相逢真草草甚秋風吹散行雲記蟬輕雙髻蛾纖廣額
臉斷微醺惜花太解憔悴寬盡綠羅裙況鳳竹蕭疏柳
桃綽約同倚斜暉而今追憶處待芙蓉江上重見文
君猶帶當時怨是遙山莫靄寒翠續紛不知恨取何事
孤雁入高雲縱寄得愁來揚州明月才二分

木蘭花慢

贈柳漪

駐馬還貰酒問卓女可當壚正朔雪凝空塞鴻失侶
影相呼驚看十分瘦損怕重來恨跡斂春蕪爭似鴟夷
同載故山剛倚平湖從他喚我作狂夫蟹舍老菰蒲

有蔗仗深交蟻封巧散莫笑投珠紅旗一江練卷上危
檣玉手試提枹彈入筇篨新譜歸舟天際雲孤

六醜

楊花

向濃陰翠幄濛嫋嫋春魂如雪畫闌獨憑飛英鴛鴦溼
正恁愁絕又對斜陽院晴絲空裊任飄零離別南園悞
了雙蝴蝶草際輕粘簾前漫瞥纖纖映蛾眉月卻難尋
瘦影幽恨重疊東風搖曳算塵根小劫灞岸鳴嘶騎
情暗切柔條幾度攀折縱天涯曾徧買春榆莢祇惆悵
眾芳都歇爭得似委艷香泥長倚杏梁春帖還消受半
枕寒怯更睡絨點綴茸窗底嬌紅一捻

雨零鈴

刺蘼

斜陽闌曲照深深院宇翦濃綠瓊苞未展芳蕊憑誰說
與金鈴休觸幾許風裏但寄向遙夜樺燭算只有化蝶
雙棲依約香痕夢堪續佳人最惜瑤釵玉笑拈來剛
趁紅巾蹙晶簾欲語明鏡雲半委回眸低矚無奈華年
和水東流幽恨相屬那更聽細雨樓頭一夜吹橫竹

卜算子

花房曉露涼似有廉纖雨新夢覺來輕欹枕翻無語
嬌娃十四五臨鏡貪眉顰不憶畫眉人自把遙山譜

齊天樂

四春錢

臨春閣上宜春佩網絲乍縈驚蜨鏡殿前因仙盤舊恨
化作銖衣輕疊雙棲意慙笑繡出兜央未諳風月慊慊

春梁數來堪否歎工絕
燕支魂斷露井買韶光又趁
綠暗紅隙障錦斜遮蹄瑩戲賭拌與填將塵埽驕嘶汗
血怕碎卻連環更難重看漫向人閒問金甌圓缺

祝英臺近

瓶中蠟梅

篆煙微沈水歇孤館夢初醒似有香來脈脈逗春影額
黃消得宮梅檀心深注問可許翠禽相並
畫簾迥況
是別久書遲何人寄芳冷繡戶黏雞後約怕重省凍瓶
還抱雙枝憑伊憔悴恁隔離未傳幽信

綺羅香

甲戌花朝山左同人小集分賦

月拂星弧霜融畫角淺醉易銷春夜卻憶山中此日野
梅剛謝趁小橋澌水微波攜俊侶殘英同把待看伊爛

漫韶光最憐鶯燕妬嬌姁 閒雲辭岫未返還被東風
作弄翠顰紅亞紫鞵青鞵次第垂楊嘶馬問芊緜芳草
初生怎掩映斜陽西下倩重簾好護幽香漫將濃恨惹
點絳唇

上元

吳中閨人有膽小看月小膽大看月大之語故後闕及之

隱隱巖城金蟾乍上繁星杏花枝春裏纖影橫稔巧

一樣冰輪膽小看來小王孫草空房閉蚤夢向清暉繞

浣溪沙

初歸見綠萼梅正盛

風約歌珠顆顆圓雪香春蕊泛湖煙客裏蕭散是今年
三日輕舸浮醉醒一枝疎影立嬋娟這番真到玉人

邊

風入松

將移家維揚留別小院海棠

西風料峭過牆東。寒勒海棠紅。人如社燕歸來，乍花應
是憐我飄蓬。留取瓊苞未坼，待他暖日徐烘。芳尊浮
蟻幾巡空。醉臉倚嬌慵。憑闌攜手深深訴，年年別花裏
恩恩從此雙雙飛宿。故園寂寞春濃。

八歸

送彥聞赴都

江流煙鎖平疇岸。接蘆荻斜隱客棹。恩恩春過飛紅斷
贏得鄉園消息。青梅酸老，綠遍天涯，迷去馬，刻不盡易
生芳草。但祝取桃李陰成，三徑黨痕繞。無計買他雲
岫。腰鐮刈棘，暗遣十年，裊裊彈鋏呼魚，捐金市骨幾度。
長安西笑，素琴碎後，燕筑休傳，別時調儘魂繫翠旌邊。
柳著甚相逢賦。心應更好。

洞仙哥

和彥聞新月

瑤華斂盡柰寒芒難約依舊纖纖畫樓角散餘霞漸暝
返照無痕蛾黛染眉樣遠山如削繁星爭耀彩綠樹
陰陰幾許南枝誤飛鵲小拜露階涼金闕深局訴密意
桂娥應覺待三五清光正團圓怕吹裂瓊簫霧屏煙幙
少年遊桃溪遊湖上喟然曰此間堪老惜少美人與
明月耳詞以調之
風荷轉午良蜩散韻竹院試翦茶舊雨停雲故人今日
千里其浮查陰陰樹色連隋苑何處認宮斜明月陰
多美人夢短可惜好年華

蜨戀花

萬柄風荷搖不定照灼紅妝面面淩波靚催送殘陽煙

又與驪珠欲喚眠難醒
歸櫂怱怱愁路永怨笛哀箏
都約秋心冷一夜水仙收綠淨
亭亭獨鷺窺晨鏡

玉樓春

鶯花斷送春歸去
櫻筍堆盤難下箸
年年此日慣傷離
何意翻成懽會處
新嫌舊素都無據
蟬髻翠眉誰付
與按歌剛罷月剛圓
自欲矜持天不許

小重山

落日倚孤篷
歸櫂怱怱怨歌齊
女綠楊中訴盡飄零何
限恨萍水無蹤
酒醒一鐙紅
愁聚眉峯別時情比見
時濃
留取衫襟痕數點
好與重逢

浣溪沙

絡緯蕭蕭夾岸啼流螢如雨各東西
新秋行客試單衣
轉憶花前惆悵事賦歸人卻贈將離
那能重見不依
依

憶舊遊

東風吹別舸恨遙山處處顰眉乍
盈盈脈脈臨皋解珮
擬託良媒映鐙試翦秋淥呼得夜珠來
感密意深緘微
波暗潮都在停盃
離魂驚倩女墮梨雲纖影香燠春
回奈被霜鐘妬壓鴛衾夢短紅淚先垂
釀愁最苦江水
流不到長淮待親見崔嵬鏡中蛾綠重
細揩

念奴嬌
疏簾

畫檐深窅隔分明心性悵他煙縷似
恐春痕山易學掩

卻盈盈眉顰燕啄泥融絮粘香墜一桁前宵雨綠波平
漲織愁人在何許贏得把卷慵來拋書隱几眈眈聽
絲羽火活松釵縈碧篆細憶酒邊情緒月樣鉤斜鵝兒
旌短密意渾輸與甚時輕捲倚闌晴對瓊宇

族曾孫保章保銘校字

存審軒詞卷之二

荆溪周濟止庵著

木蘭花慢

看歸帆向盡漸風力接荒煙賸落日紅低斷山翠冷作
弄遙天梅邊數聲怨遂喚湘靈萬疊和哀絃遮莫蘆寒
散雪還疑柳嫩搓絳裁牋待與訴嬋娟初月未成圓
泥雁塞雲高難精星朗并入么篇陶然便拌醉也奈中
山醉日止盈千多謝江頭伴侶尋他海上神仙

水調歌頭

浮海欲何向無乃向咸池搏桑葉大于屋其上有天雞
忽發一聲嘶喔喚起柔閣萬戶藹藹散春暉拍手御風
去舟楫快相隨君不見列禦寇骨成灰童男卯女頭

白徐福竟安歸縹緲黃金宮外搖蕩青銅鏡裏慧想總
緣癡一點漢槎君天安要支機

八聲甘州

歎天衣無縫要天成人閒織來難漫顛箴倒綫翻花鬪
葉舞鳳翔鸞多少金閨妙手淺笑倚闌干誰遣蓬窗女
苦耐更殘剛道鴛鴦繡出又東風窺幕舞蟬成團符
添將半臂珍重護春寒勝望勒驥嘶甚處併垂楊綠比
海天寬和淚親穢畫懷留與重看

摸魚兒

待拌將一聲離別離情還更重疊蘭香不合人閒降轉
眼鬢雲凝雪芳草歇忍怨向春殘花老頻囑鴉恁般哽

咽是暗裏流光雨催風送含淚共君說 朱絃罨雁柱
斜行又折家山黯澹風月石城舊擬垂綸處頓遣莫愁
愁絕愁未徹況著箇琵琶老大曾相識唾壺漫缺要合
玦成環鏤冰作燧萬古意難決

賀新郎

夢斷江聲裏攤重衾一鐙寒燄欲眠還起搔首推蓬看
落月衰柳荒蘆如薺漸四野雞鳴不已釀雪雲生星沈
彩料明朝風力還相擬應凍合玉樓矣 歸涂不是論
千里奈年來酒懷詩興消磨餘幾剛問南朝樓隱處又
恐鷓鴣難比渾不辨枝頭葉底如此江山誰拌得賸萼
絲長共鱸魚美只少箇季鷹耳

長亭怨慢

乍拋卻枝頭春信悶倚危檣看翻鴉陳風急雲寒鶴鷺
無主倩誰認一冬祈雪空作了江天恨待說與東皇又
只恐年華愁問瘦盡念亭亭此樹可是舊時風韻禁
他幾度怕皴裂霜皮盈寸便祝取蚤蚤春回一例把紅
羅香搵向甚處唵看東閣當年何遜

水調歌頭

江上浪如雪幾箇白鷗閑稻梁不及蒲稗天地本來寬
其奈郎家北渚使妾飄零南浦古月向人圓弱挈攤雙
楫制淚赴驚湍舟萬斛帆百尺勢移山一生祇辨風
信安穩作長年那管星移物換何況潮來汐去都只等

閒看含笑問桃葉汝渡若爲難

揚州慢

雪澤虛占雲陰漸散江干依舊斜陽向淡煙籠處待曳
逗春光怕紅萼禁寒乍勒碧城仙侶倦繞迴廊隔深深
簾幙從教密意難將似曾相識便判年還倚新裝儘
玉照空明紅羅旖旎翠羽低昂一種橫斜疏影深宵月
不似銀黃算誰家籬落堪尋前度幽香

望海潮

悄悄高柳娟娟新月平池靜夜涵空榆莢亂翻荷錢暗
疊春歸歸誤認殘紅人在畫樓中料玉鉤挂起簾幕重重
擬倩瓊簫寄將離思訴東風東風奈又慙慙被嗔鶯

妬燕惱盡嬌慵屏掩斷山琴留遊水尋來處處無輓愁
到甚時濃看唾花石上冰翠都融可惜香衾但催殘夢
向疏鐘

菩薩蠻

偶種芍藥數本招同人爲婪尾之譙眾賓既去慨然賦之

飄香遠在清波外當年只共芳蘭采別貯漢宮嬌醉魂
飛燕銷 翻階敎作婢誰解東皇意珍重記春殘豔深
開更難

酴醾雪落青條瘦荷錢亂帖波心縐寂寞向園林夢春
無處尋 瓊臺僊侶集香霧漫空溼笙冷月明中暗催
花氣濃

燕王墓冷豐臺窄霓裳擲碎宮牆笛十載臥青樓杜郎

愁未愁 年年湖上路廿四橋邊去若遣鬪芳菲願輸
金帶圍

誰憐園客栽香草飛瓊遣下蓬萊島歸去海霞紅看人
斜照中 綠蕪山萬折胡蝶飛成雪夜久燭光沈露涼
知慣禁

大酺

向綠陰沈華鐙謝蒼莽飛來圓鏡荷錢青尙小任垂楊
空際弄他纖影宿鳥驚翻游魚暗上贏得欺花剛定殘
英知何處但苔痕掩翠露光流瑩算留篆香銷倚闌人
倦乍尋幽境 清歌珠又迸爲瓊闕僊桂成孤映問甚
日紅牙同按紫玉雙調起懨懨慢扶重聽試共冰輪約

渾不辨素娥心性怕容易秋風勁青女相對蕭瑟西窗
吹病故園就荒三徑

蝶戀花

道光十有一年歲在辛卯五月三日燕子磯阻風讀史感賦

落日燕脂紅漸褪新月如鉤挂起天涯恨一箇閑鷗眠
不穩投林只見鴉成陣 祝向餘霞休散盡月似銀黃
卻比黃銀嫩剛被遙山銜一寸浮雲片片誇輕俊

宛轉黃龍星彩異斗柄西斜露氣連江墮嘯夜魚長人
卻避煙波勢欲無天地 萬古消沈當此際石燕嗟幾
空有淩霄意獨上危亭還獨倚北風吹冷承睚淚

老淚無端東北灑誰遣銀河直向西南寫萬斛愁珠相
激射此生漫其漁樵話 買得青山休說價疊嶂重巒

一幅屏中畫添箇山翁騎瞎馬柴門歸去昏燈炮
燕子來時逢戊己泥墁空梁幕卷生生翠軟語輕捎魂
欲碎沈沈畫閣人酣醉 林木營巢成底事曲突焦頭
說向憑誰記夢裏春風還暗起吹殘幾樹瓊花蕊
卸玉泥椒芳靄集論斛徵螢光散雷塘碧萬柄風荷搖
欲折白花雪豔紅花血 蟬鬢迴舟羅被溼花白雙頭
佩自瑤琤玦香徑當年真誤識蘇臺鹿去無遺蹟

獨枕黃門排闥語底事王孫羞其將軍伍奉璽功高
渭路漢陵一片瀟瀟雨 伯玉佯酣情更苦烈烈南風
吹夢迷陳舞掩卷推蓬天欲曙勞人聽盡津頭鼓

六幺令

銷夏灣荷花

露濃煙重玳瑁愁珠碎一枝兩枝紅豔點出菱波翠應
是吳宮人去萬古留憔悴鴛鴦相對晚蟬咽處賸有漁
歌伴殘醉我是江湖倦客浪蹟沙鷗外著箇魚婢樵
青小艇剛同載驀地看花心苦暗墮鴈夷淚佳人難再
問他玉骨可向西風卸環佩

相思兒令

憶荷華

一葉一花教見零落儘西風可惜綠波明月相映小池
中銷夏記泛孤蓬徧青山難負吳宮歸來夢繞煙蘿
漫愁響屐廊空

浪淘沙慢

聽緜嶺瑤笙乍杳喚起長笛斜日餘霞漸隱西風過鴈

又急望十二瓊樓無信息倩青鳥飛度蒼茫但弱水浮
山最深處文鸞見孤立還憶當年誤注僊籍待散髮
扁舟隨流去星帶羊裘客奈舊盟都寄漚波驚雪易抽
獨繭怕釣絲暗惹珊瑚枝格歸路遙秋林雲掩歸心
尙倚紅盼碧試吹向柯亭應更惜甚春草萬里芊緜只
一夜輕霜作盡蕭條色

西地錦

足遣秋陰如醉替海棠冰淚空階夜滴寒蟲細語便無
愁爭睡何況鎧昏簾內又月明簾外疏枝瘦影橫斜
徧地寫秋風無賴

壽樓春

登翠微亭同叔安作

風蕭條吹衣又危亭其陟寅餞斜暉橫黛低環江表秀
餐蛾眉紅蓼綻鱸魚肥喚綠蓑歸來歸來恨暗浦沈潮
疏黃委竹荒過釣人磯西南月空依依算何時爲我
光滿瑤臺可奈朝雲輕散暮煙橫飛孤眠醒寒羅幃望
露盤高寒先知歎病渴文園東封著書留待誰

浣溪紗慢

別鵲寥天忽焉經歲團圓樂共集弔影獨悲
情不自勝遂成臨樂之歎

玉骨瘦一把明月圓三五杜郎夢醒早見秋如許叢桂
試華禁盡連宵雨天上人閒苦星影隔銀河海山遙青
鸞倦羽移家去誰挽鮑宣車便香橙送酒脩竹倚雲
遠黛橫眉顰總替斷腸人畫傷心譜莫聽傷心語刻地
起西風其秋光都無問處

水調歌頭題趙野航懷人圖

千載數人耳況復要同時天涯何幸相識相識又天涯
時節非秋非夜光景無風無雨那便不相思可奈翠梧
葉飛墮最高枝山陽路倚樓笛怨長離幾番斷續鳴
咽孤響喚雲低贏得江湖逋客獨對香銷鐙燼舊夢是
邪非絳闕在何許明月向樓西

好事近有贈

桐露欲霑衣香綻滿園金粟病起要肢無力看新來裝
束中秋過也月仍圓天然孕珠綠更向桂娥深拜有
誰聞私祝

又代俞

寶鏡隔宵圓剛被遠山愁綠敢道不勝羅綺奈夜來新
浴紅窗女伴見還憐相攜畫闌曲共報宜秋兩字是
東君親祝

引駕行

中秋無月

絲絲恨雨垂垂困柳吹不斷少男風皺池面魚跳落棠
香中冥濛姮娥耐寡青天自遠招不向畫樓東繡簾底
佳人冰望都空無輓曾萬家簫鼓亂催鐙火互霄紅
奈事往難尋卅載遺青鬢成翁如虹珠光劍彩賸付
粉本郵筒問甚時瓊宇淨洗碧海一鏡孤融秋濃聽井
梧枝上涼颼成陣送歸鴻算近來花漏漸永怎禁到晨
鐘

聲聲慢

十六夜有月

鍾坡散紫幕府縈青今番漸成秋霽主鏡仍圓偏帶桂
娥愁思紅窗暗驚衰冷是淒風連宵留在九萬里要人
人都向畫屏無睡香篆替尋幽素任湘簾八幅深掩
濃翠脈脈盈盈爭遣露闌長倚金徒漫投箭響正蓬瀛
胡天胡帝怕怨遂喚驪龍還又夜起

木蘭花慢

十七夜素庵叔安過飲待月不見別後月
出已復雲陰慨然有作

燦閒庭桂粟眞盼得故人來任雨雨風風朝朝暮暮總
付深盃空階坐看暗竹送疏螢數點傍人飛定是涼蟾
未透不成霧幃難開樓臺倒影落君懷依舊鑠清輝
又歸去慙慙孤吟賸我踏徧蒼苔剛才倚闌望極甚冰

輪便碾玉塵回單照人閒恨別只應長似蛾眉
向殘更冷露雲乍起素蛾愁便地角天涯故情閒恨總
上心頭悲秋怪他宋玉甚高唐尙解賦溫柔碧海青天
易老玉尊檀板應休重樓換燭下銀鉤不夜是瀛州
怕弱水迴瀾神鼇戲舞仙袂難留蓮舟醉眠太乙泛銀
潢慣與斷槎浮誰道成都賣卜還知飲渚牽牛

風入松

西風不管鴈行斜吹送極天涯了甯莫向南樓畔有無
眠人掩窗紗剛被一庭疏雨喚回愁夢些些沈思淚
臉溼梨花征戍未還家分明鴈過無消息定龍堆不慣
風沙有幾封侯夫壻可應輕問仙槎

金縷曲

跣跣黃塵下記當年輕衫窄袂居然游冶笑向鸞衿飛
觥玉紅燭冰臚相射任一斛驪珠傾瀉忽聽雞鳴投盃
起正霜稜蝟磔鴛鴦瓦還縛縈再加把急裝拌得真
長訝問何如車中閒置綠輦紅旄射虎封侯尋常事醉
尉逢時遭罵漸英氣都消磨也一劍猶存堅難拔料龜
文繡損千金價且傍我素琴掛

長亭怨漫

見千丈游絲飛裊拂柳黏花繫春多少替得春愁又扶
春困惜春老一聲啼鴂都換卻池塘草只管背人歸定
不管拋人爭好還道是而今去也畢竟爲伊重到青

梅煮酒容易盼綠蕤收釣作弄出萬種秋聲漸催向寒
天霜曉但化石枯松斜倚蒼崖一笑

風流子

金鳳

妖婢太呈嬌黃花晚又值楚蘭彫向瑤砌路邊裁霞翦
雪玉容釵畔帖鬢黏翹可憐許穠歡彈指盡薄媚轉頭
消驚蟻亂飛那尋春夢夜蛩無語還溼冰綃 佳人冰
眸處蒼苔冷可奈恨種愁苗誰在九成臺上相並吹簫
況新乾竹粉難拈碎粒漸稀梧葉祇剩空條回首仙霞
關外雲雨迢迢

破陣子

昨夜綠窗幽夢分明春在枝頭仙翠動香雙弄羽橫吹

捎雲共倚樓不知庭院秋 好月看成破鏡空江咽作
寒流池上衰痕風自展砌下蟲聲雨未休幾家砧杵愁
鳳銜盃

瀟瀟料在五更前乍醒人聽向愁邊不是暗風斜雨一
年年人不老月長圓 霜侵鬢夜如煙望潮來潮信頻
遷只恐綠楊城郭更纏綿怎不放歸船

定風波

爲有書來說見期便愁桂粟下高枝昨夜雨聲寒透枕
愁甚是秋風要落花時 侵曉素香來石畔初見星星
水面任魚吹再有三朝并五夜都謝這番須遣畧開遲
壽樓春 呼鷹叔安以驅鷹詞見示譜此畱之

高臺敬何年帶長林蔓草都化秋煙巉峭初開晴宇斷
雲還連盤馬向渾河邊叫餓鴟蜚鴻驚弦甚點鬢吳霜
圍要漢柳魚頰近尊前英雄記空陳編任澆伊萬錢
難醉重泉一翅青冥去也望中淒然于闐鵲江淮焉到
恁時支公猶憐怕喚得青骹梁園但爭狐兔妍

滿路花

缺月臨清曉便向花叢繞一夜和衣睡醒來早細看池
面減卻香多少剛待年來到待得伊來爲伊添恨添惱
尋常百種夢猶記是香勝色來雲表乍開時
節玉露金風丁卯年春光不辭人共花老
門百花

欲住西風還急欲去東君還惜池上石邊情味月下星
前蹤蹟蓼溼蘋洲都來換卻秋容一例碎紅零碧 七
寶圖冰雪清影只共十二闌干露滴聞道素娥霓裳早
傳橫笛底事人閒年年待掩輕羅卻問散香消息

月上海棠

蟋蟀

商音不共檐鈴語壯懷驚昨夜夜深雨劍澀花寒一聲
聲喚聞雞舞天生俊合上淩煙畫譜 將軍鐵甲皆黃
土漫尋他秋壑半閒處磬辨絲哀乍沈吟舜階千羽休
空恁謫向天涯倦旅

碧牡丹

不恨殘香少不恨金風埽只恨閒窗獨自些兒懷哀鴈

帛輕傳將箇人愁老而今書也無了望難到弱水蓬萊島人閒恁般遼渺步上危亭可惜江山重繞缺月如弓收露痕清曉蛾眉仍在天表

江城梅花引

芳塘報道有芙蓉淺深叢繡重重節近重陽疏雨最惺忪人要憐花天未許蘭棹去楚雲歸十二峯柳隄又聞嘶玉驄與乍逢清鏡中伯勞燕子無消息各自西東試問新來愁碧爲誰濃一寸眉心都綰了魂斷向晚霞邊夕照紅

醜奴兒慢

尋春倦也春恨都成秋瘦向濃靄遙期仙侶更與尋秋

一片楓林縱無黃葉也颼颼誰家籬落相邀細語淺碧
香甌繞盡亂峯恰當歧路斜照紅收怕依舊青驪歸
去誤了重樓寂靜黃昏箇人銕下枉冰眸芙蓉空把瑤
京自遠莫莫休休

三字令

催夜雨遣沈雷奈秋懷紅蠟燭繡羅幃正涼天剛永漏
泣瓊瑰簷溜急砌蟲哀爾何爲教白露點蒼苔一般
都霜下老畧遲迴

新荷葉

可惜梧桐不曾真作秋聲一夜飄殘疏黃到地還輕濃
陰似幄記晚涼新月初生碧羅衫薄倚他玉立亭亭

頓遣彫零重陽風雨江城耐久紅薇數枝偏繫離情湘
簾漫押待深宵謫與秋聽只愁青女等閒不駐雲軒

堦花游

減秋一半是布地黃金亂霏香屑怕留恨蹟要連絲細
雨灑伊空碧顧兔全銷萬里祇餘暗魄謾相惜試吹淨
遠山還更愁絕 瀛海望未極歎絳羽翻輪素霓嬰節
蜃樓易結便恩恩換了廣寒瑤席地久天長賸與姮娥
舊識共嗚咽夜龍吟數聲驚裂

迷神引

落葉

賴有清池當墜處減一半秋聲去西風便劣應念飄零
苦已辭枝還吹送向何許背面總天涯休寄與只恁點

蒼苔亂砧杵 漆室宵來獨倚南榮柱 盼絳樓高銀河
阻字痕深齧歎空檢題紅譜待不關心爭禁得隕如雨
曾向落花前驚見汝嬌綠上宮衣稱金縷

度江雲

聽雨

沈陰欺落日西南望極何處是蛾眉莫煙吹不散卻趁
斜風化作雨絲絲雲窗倦掩柰瀟瀟直透重帷秋夜長
黃昏拌便聽到五更雞披衣金蟲澀飲寶鴨銷溫怕
中宵不起但暗惜湛盧繡滿晉鄭難揮玉關未出傭書
老便封侯骨相都非青嶂好紅藤扶我歸來

霓裳中序第一

芙蓉

魂銷昨夜雨岸柳池荷添恨譜山遠愁濃黛蹙襯膩臉

斜紅枕痕如縷寶奩嬌自語盼不到魚沈鴈阻亭亭在
畫闌左側獨立甚情緒淒楚湘靈危柱調入霜天驚
素女籬鞠難尋廢圃但淺倚晨暉漸成遲莫解裝臨漢
浦怕未抵明珠翠羽悵悵向九華帳裏豔影醉僊侶

木蘭花

癡雲自向天邊住錯道遮將明月去倚闌無語立多時
臉上淚痕衣上露情深不怕秋宵曙要翦沈陰還太
素倚天長劍縱荒唐風是井刀雲是絮

鶯囀序

饒秋

征鴻去程漸遠覺高樓夜永莫雲便都逐風消麗天惟
見參井綺窗外輕聞墜葉在教瘦了梧桐影問何時扶

起冰輪桂香重彰 九十秋光桂染過卻半煙昏雨暝
破愁寂黃菊丹楓近來都助淒哽淒痕浸亭亭豔骨戲
魚不上芙蓉冷問何時捎與紅蘭佩纓重整 尋芳門
草辟暑浮瓜把俊游漫省可柰被蹴花鶯燕斷送春歸
翳葉蜩螗頓催涼醒如今縱向疏林慘黛些些留待客
光住怕嫦娥後夜妨孤迴清霜暗約萋迷換了天涯故
國尙盼萍梗 懷人夢短蓄艾年徂鎮爲誰瘦瘠怎不
念枕霞山閣靜對雲松濯髮溪橋臥浮煙艇猿嘯鶴怨
多應知得瓊英不慣重簾護早春池釀出波千頃南枝
先覺擅心密帶幽窗共誰細領

臨江仙

家人有賦殘菊者臥榻口占

未擬傲霜先著雨。鈴鏘斜倚籬東。老夫貪病看還慵。漫扶藤杖。酒止玉杯空。差喜兒曹相料檢。殘香吟和重。重淒清聲斷北來。鴻明將瘦影。寫入素屏中。

哨遍

黃葉半林黃菊半籬。裝點秋如許。莽西風千里。卷平蕪。乍登臨江山吳楚。問西塞煙波東山。看展幾曾留得。南朝住。回首廣陵濤。年年只背蕪城斜日歸去。帶邢溝流恨滿江湖。共酤客愁心亂。檣烏爛錦韶華。海蜃樓臺畫屏歌舞。呼痛飲張翰生前。杯酒澆黃土。休落龍山帽。金城楊柳誰賦。待飄泊蘭成。家山重到也。難寫出關河。莫天際鴈行斜。知他暝宿荒蘆叢。荻何處。漸鳴榔聲斷。

野煙鋪牋一點漁燈伴星孤月初弦輕雲低護柴門歸
便深掩無賴是庭梧蕭蕭只管打窗縈砌不管離人離
緒閒牀倦枕漫支吾怕重陽滿城風雨

孫士英士俊校字